

ورطت نفسي بعلاقة

✘ بسم الله.. عندي زميلة بعمرى ونفس وضعى تسولف لى عن صاحب لها تعرفت علىة قريب وهو مميذ بنواحي كثير ومشهور بمجاله (مو بالسوشال ميديا) , جاني فضول اعرفه او اشوف هل هو فعلا مايعرف غيرها او لا راسلته ورحب فيني وصرنا نتواصل وعلاقتة فيها صارت متذبذبة وانا مرات نفس الشى لانة متزوج وزوجته طاحت علىة اكثر من مرة (وانا مااعرف) لان انا مايبين لى مشاكلة وقتها اللي صار صديقتى تهاوشت وياة وتركته مع انها للان تبين وتفكر فية وماتعرف انى اتواصل معة

انا استمرىت معة والبدائة كنت بس بلعب واشوف هل هو قد المدح! , اللي صار انا تعلقت فية وهو انسان فضيع وفعلا مميذ شخصيية وطيبته , تمر على ايام والله مااذوق لا لقمة ولا موية تجيني ضيقة فضيعة احس انى مستهترة مراهقة ليش سويت كذا! بس ماقدر اتركة ماقدر جربت مرة حذفته وقعدت اصيح منهارة ورجعته ورقعت السالفة لة لا يحس انى حاذفتة

اخر شى صار ان زوجته رجعت تكشفه من جديد وقال لى بخفف تواصل قلت اوكى

.. انا الان منهارة وتعبانة نفسيا مو قادرة اتركة ولا قادرة اتواصل معة ابية وماعاد ابية

يمكن الفراغ والحرمان اللي انا فية زاد على وضعى!

يمكن كلام زميلتي عنة وسوالفها هو اللي يحرق قلبي زيادة لدرجة انى افكر اتركها واقطع علاقتى فيها هي مجرد زميلة لكن احب اراقبها بس عشانة بشوف وش ممكن زيادة تعطيني سوالف مع ان السوالف توجع قلبي

ماعاد اعرف وش اسوي احتاج احد يدلني والكلام ترا سهل تكفون لحد بكل سهولة يقول اتركية انا نفسييتى تعبانة من ظروفى بالحياة وهو زاداها على

تركي لة وانا ابي بيحرق قلبي ابي فعلا اكرهه هو فعلا مو لى لة بيت وزوجة وعيال قبل ماتكشفه زوجته اخر مرة .. قلتلها ماعاد ابي وكلمته بشكل جدي فعلا انة يحذف رقمى ويحذف رقمة مااعرف كيف باسلوبة يغير رايبى

مو راضى ينهيها وبظروفة ماقدر نتواصل دايم !

انا حتى ضميرى مأنبني اتخيل مشاعر زوجته اكيد تحبة اكثر منى وش بيكون شعورها! مع انها الحمدلله ماقد شافت ولا شى كدليل واضح مجرد شكوك

حتى هو يقول ارحمك مايبى تفكرين ولا تشتاقين لى اشغلى نفسك وحاول يدور لى وظيفة وماحصلت فرصة

فيه كل المواصفات اللي اتمناها بزوجى المستقبلى شهادة علم وسامة فلوس طيبة قلب اخلاق تعامل بس

متزوج ومفتح معي الزواج وماعتقد انه يبني يعدد اصلا
للمزيد , لمتابعة بقية الاستشارات , لاضافه استشاراتك , عيادة الاقلاع